

**“MEDIA LIDER” NOMINATSIYASI: SHAXSIY MUNOSABAT,
AXLOQIY ME’YORLAR VA INSTITUTSIONAL MEXANIZMLAR
O‘RTASIDAGI ZIDDIYAT**

2025-yilda ijtimoiy tarmoqlarda keng muhokamalarga sabab bo‘lgan holatlardan biri “Media lider” nominatsiyasi bo‘yicha o‘tkazilgan tanlov atrofida yuzaga kelgan bahs bo‘ldi. Tanlovda ishtirok etgan shaxslardan biri – Gayrat Do‘stov (avval sudlangan va so‘ngra ozod etilgan blogger) va O‘zJOKU rektori Qudratxo‘ja o‘rtasidagi raqobat ijtimoiy rezonans uyg‘otdi. Fuqarolardan biri ijtimoiy tarmoqda Qudratxo‘jani haqiqiy media faol deb hisoblamasligini, u rektor sifatida faoliyat yuritishi lozimligini va shu sababli “media lider” emas, balki “eng yaxshi rektor” nominatsiyasida baholanishi kerakligini bildirdi. O‘zbekiston Respublikasining “Axborotlashtirish to‘g‘risida”gi Qonuni va “Ommaviy axborot vositalari to‘g‘risida”gi Qonuniga ko‘ra, media faoliyat bilan shug‘ullanayotgan har qanday shaxs axloqiy va huquqiy me‘yorlarga rioya qilishi shart. Tanlovda qatnashish va nominatsiyalarga qo‘yilish jarayonini belgilab beruvchi nizom asosiy yuridik hujjat hisoblanadi. Agar tanlov nizomida ishtirokchilarning kasbiy faolligiga oid cheklovlar mavjud bo‘lmasa, shaxsning rektor yoki blogger ekani uning qonuniy ishtirok etish huquqiga ta’sir qilmaydi. Shu bilan birga, tarmoqda bildirilgan fikrlar shaxsiy mulohazaga taalluqli bo‘lib, ular orqali shaxsni ommaviy ravishda kamsitish yoki tuhmat qilish holati bo‘lsa, Jinoyat kodeksi 139-modda (tuhmat) va 140-modda (xaqorat) asosida huquqiy baholanishi mumkin. Mazkur vaziyatda muallif shaxsiy va professional tanqidlarni birlashtirib, shaxsning kasbiy burchiga nisbatan jamoatchilik oldida salbiy munosabat bildirgan. Axloqiy jihatdan, ijtimoiy tarmoqda shaxsga nisbatan “mediachi bo‘lmasin”, “undan foyda yo‘q” kabi bayonotlar shaxsiy obro‘ va nufuzga zarar etkazuvchi xatti-harakat hisoblanadi. Shaxsning umumiy fikr bildirish huquqi mavjud bo‘lsa-da, media etika nuqtayi nazaridan ehtirom va tarozilik saqlanishi lozim. Bunday mojarolar tanlovlarning ochiqligi, shaffofligi va baholash mezonlari ustidan jamoatchilik nazorati etishmasligini ko‘rsatadi. Media sohasidagi tanlovlar uchun aniq va ommaga ochiq nizomlar,

ishtirokchilarga qo'yiladigan talablar va baholash mexanizmlari institutsional ravishda shakllantirilishi shart. Shu bilan birga, davlat amaldorlari tomonidan media faollik olib borilishida ularning asosiy vazifalariga xalal bermasligi uchun aniq cheklov yoki mezonlar belgilanishi lozim. Bu axborot siyosatidagi "davlat amaldori – blogger" funksiyalarining aniq tartibga solinishi zarurligini ko'rsatadi.

Shu tariqa, mazkur holat media tanlovlardagi axloqiy va institutsional muammolarni ko'rsatuvchi keys sifatida ahamiyatli bo'lib, onlayn mediada axloqiy me'yorlar va institutsional mexanizmlar o'rtasidagi bog'liqlikni aniqlash imkonini beradi.

Muyassarov M. **Media lideri aslida kim?** 2024-yil, 3-yanvar kuni berilgan
Facebook sahifasidagi post:
https://www.facebook.com/MuyassarovMuhammadali/posts/594686483169438?ref=embed_post